

《中國地方藝文薈萃》編輯會 編

學苑出版社

中國地方藝文薈萃

卷一 第一輯 文

華東卷・第二輯

貳

中國地方藝文薈萃

《中國地方藝文薈萃》編委會 編

第二冊目錄

國朝杭郡詩輯三十二卷姓氏韻編一卷（二）

.....一

國朝杭郡詩輯三十二卷姓氏韻編一卷（二）

國朝杭郡詩輯三十二卷姓氏韻編一卷（二）

（清）吳顥原編、（清）吳振棫重編

據清同治十三年（一八七四）錢塘丁氏刻本影印。

國朝杭郡詩輯卷七目

康熙閒人
約畧爲次

羅志倫 黃中明 陳奕昌 陳奕培 陳奕禧

張 昱 柴世疆 柴世垣 柴 豫 柴 升

吳朝鼎 查 容 查繼伸 吳嘉枚 嚴曾業

嚴曾采 嚴曾槃 嚴曾相 虞汝翼 金 張

卓長齡 邵九臯 胡 榮 徐旭升 朱爾邁

章日躋 章 勛 郎龍有 陳 燾 姚際恆

項 溶 王元斌 蘇 輪 葛 洽 陳清鑑

張潔堂 查 鼎 褚 彤 茅兆儒 邵錫蔭

邵錫榮 滑吉登 滑汝謀 沈兆乾 陸鳴臯

趙沈壘 錢 璜 邵嘉客 沈允亨 詹夔錫

何之鯨 馬思贊 張松霞 張美文 汪文孫

何鍾江 李世衡 傅棫菁 朱 璆 金憲磨

王愚叟

凡六十一人

國朝杭郡詩輯卷七

錢唐吳顥原本孫振棫重編

羅志倫字彝正新城諸生有寫意八卷

彝正身世未詳觀詩注中庚申年閏八月之語爲康熙十九年則知爲康熙閒人也

遊百丈山

卓筆峯晴翠靄浮逶迤曲徑漸通幽風回絕壑松長嘯花落
深潭鳥易愁俗慮頓拋青嶂外孤情時寄白雲頭亭亭石刻
西來意寂歷空山擬是秋

燈月

五首
錄一

簫筦盈盈次第陳萬家火樹燦於銀今秋兩慶中秋月

庚申年閏

八月

此夜先開五夜春尊酒未闌猶飲客踏歌有意欲呼鄰婦

娥應讓燈初出不盡嬋娟滿一輪

十三夜

黃中明字自鏡餘杭人官知縣

綠陰

月暗庭陰重高寒挂薜衣孤花春後淺萬綠雨中肥樹樹搖
清幌山山護翠微灣頭消夏好漁艇兩忘機

初夏步嶼淵亭

天然雲壑小邱園四面湖山水到門芳樹綠遮仙子宅落花
紅踏酒家村畱春有恨聽鶻舌消夏無方倒竹根醉俯岳潭
深百尺臯亭歸去獨黃昏

陳奕昌字子榮海寧監生

子榮爲岱青司李殿桂子爲世
父之杰後婦卓有賢行詳閨秀

和朱人遠看花曲

一灣碧水遶春城城外雞鳴井陌平花發江南剛二月煖烟
薄霧近清明

陳奕培字子厚海寧監生

東莞城東十餘里梁平村有老人鍾敬祖今百有二
歲家大人挈余同訪老人輿而出其子已八十矣賦

紀

朝出東城路寒風馬頭迎遙村逶迤靜山勢鬱崢嶸門閭榜
人瑞朱書官長名輿舁扶杖出試問何朝生正朔云嘉靖桃
源有遺氓定居無轉徙坦爾安鑿耕雞犬自馴熟何曾見甲
兵白髭相引掖老萊腳力輕父子幸健在笑看歲月更悠然
商周代相對皆錢彭

陳奕禧字子文一字六謙號香泉海寧人奕昌弟官江西
南安知府有虞州集續集春靄堂秋雨齋綠陰亭笑門諸
集

香泉以太學上舍仕爲安邑丞入補戶部郎擢貴州石
阡知府改江西南安幼時夢至一樓滿貯隄廩一神人
謂之曰供爾一生揮灑自是書學大進令深澤時飲泉
甘之作亭其上署曰香泉因以自號書專法晉人于秦
漢唐宋以來金石文字收弄尤富皆爲題跋辨證詩格
高秀王漁洋所賞斜日一川汧水北秋山萬點益門西
查蓮坡所賞風傳冷樹飛霜葉雁宿秋江老白蘋未足
盡之也所著有臯蘭載筆益州干役記十餘卷府志入
文苑傳

閬中感興

閬中非昔勝惆悵莫開襟巴樹方冬變江雲帶瘴深有山皆
鳥道無處不猿吟萬里成都客天寒慕錦衾

貴定縣候三兄至言懷

親承 聖語出天除相晤蠻鄉萬里初老去弟兄尤愛惜近
來精力復何如邊陲付託 恩原重教養經營學有餘雖是
與兄粗計畫見聞到底愧迂疎

蹇勞旌節赴南荒便趣舟車辦遠裝想卜句吳三畝宅預儲
負郭一年糧遠人志在營先壠久客身思返故鄉三十餘年
心事愜勝他爲政說龔黃

九日同祝翼尚賦

汀沙岸草水縈回南泛扁舟向晚來野路紅萸何處覓故園
黃菊傍人開地鄰邊塞寒聲早霜落秋林木葉催好爲苦吟
消令節月明風急轉生哀

張昱字景岳號樗園初名暉字繹武仁和監生充內閣纂
修

樗園以畫名而陳香泉奕禧以書名香泉每爲作書以
易其畫樗園歿後老屋焚如蜀楮吳綾都成烟燼矣

晚秋偕友泛湖飲芙蓉花下

湖光秋更佳結伴泛輕艤山色淡晴空凭舷快遠眺沿緣向

蘇隄澄波平帖帖瞥見雲錦迎蘸水拒霜疊亭亭似水仙脈
脈啓笑靨鷺靜閒獨拳魚跳健忽立桺外釣絲颺颺戰風
葉天涼大酒腸況復情話叶暝色苦催人斜陽下城堞

喜錢鶴汀諸勵亭見過時初自京師歸

二仲趺然至柴門笑語騰塵容慙對友瘦骨欲生棱獵酒人
依舊遊湖興可乘綠陰簾外暮相與曲闌凭

柴世疆字士容紹炳子仁和諸生有先月樓集

陰

江昏魚擊水屋暗鳥穿樓十里人烟落千林樹色收重雲埋
石磴宿霧隱沙鷗不識前村路遙遙望一邱

山行遇雨

重雲漠漠鎖前川曉色迷離風雨天旅客竟從千嶂出荒村

故抱一峯旋層巒怪石如人立仄岸枯藤似虎眠悵望溪邊
飲犢者不將蓑笠過空田

柴世垣字恭季仁和人

由夷陵入峽

十日連山路雙崖忽此開水從千澗落風自百蠻來白帝城
遙接滄江首重回去程駿以遠歸思日悠哉

柴豫字頤園望子仁和諸生

康熙辛未秋柴方伯雲巖招同沈鉞玉亭楊許玉介璜
江叔佩蘭岵詹夔錫允誥周永齡舜侶伊庚憬堂柴壁
東書周之麟徵虬柴升錦川釋岳峙壽傳暨其
子謙南屏豫頤園湖舫讌集有倡和詩行世

秋泛

孤山寂寂倩誰陪作意迎人勸舉杯怪石架空圍几席澄波
倒影濯樓臺百年天假林泉趣同日人誇翰墨才金粟飄香

消息近輞川還待好秋來

柴升字舜聞號錦川仁和諸生有錦川集

舜聞與吳陳炎實厓柴世堂陞升吳朝鼎宇調有合刻總名曰浙西四子詩鈔有王丹麓序舜聞又有宋四家選詩

跋宋四名家詩

有宋多詩人動推蘇與陸東坡振元豐當時盡推轂放翁當南遷悲風隔西蜀中間百載餘先後不相屬盛名誰與俱曰惟黃山谷雄渾學士專邁勁文節獨詩情何所如蒼松與翠竹厥後有石湖溫潤卻如玉立朝風棱棱疏議更可讀渭南同其時妙詩共欽服遺編等身長佳句不盡錄四公頗相類餘子都逐逐勿謂離愁悲勿謂廟堂俗但各登層巔寧論歌與哭詩聖及詩仙李杜已再續

蠶婦

陌頭細雨歸何晚
簾裏篝燈夢自賒
輸與人閒羅綺婦
一生只著木棉花

吳朝鼎字宇調仁和人

蘭膏夜誦

秋興十首之一

愛此良宵靜披帷
樂有餘曾將螢佐讀
喜似雪臨書風遞秋
林遠鐘敲野寺疏
賞心渾不寐待曉更何如

查容字韜荒號漸江海寧人有彈箏集江漢詩

韜荒少時郡試第一及學使者試隸役止而搜檢之大怒曰朝廷求賢士而以不肖待邪徑拂衣出終身不復試性好遊南至滇黔北抵燕齊所至莫不倒屣吳逆之未叛也禮韜荒爲上賓旣而察其有異志佯醉罵座出卽促裝行吳遣親軍要諸路韜荒故有力從馬上提親軍擲之地笑曰乃公豈肯爲老兵留邪吳聞大怒將命勇士擊殺之徵服閒道行得免集中有將軍有酒能投韜壯士聞雞已出關句紀其事也康熙乙丑復游楚之

攸縣頗有所眷遂卒于其家朱曉亭悼之云路旁香草
露中花采采其如秋望賒哀些欲枯無處所不知雲雨
散誰家三閭死後屬青蓮之子高名亦與傳自古才人
多好色才人未有不神仙朱與查爲中表詩蓋深閔之
也

送武曾之宣府

由拳城頭月華白置酒張燈宴征客由拳城外柳條青平明
相送出津亭羨君意氣真無比此去幽州幾千里攬轡遙看
冀北雲挂帆徑渡淮南水太行山高日欲斜邊風颯颯吹塵
沙候騎千屯吹觱篥明駝一隊奏琵琶上谷使者與君厚長
揖轅門論故舊伐鼓鳴笳部曲前錦筵紅燭軍麾後觥籌交
錯坐忘疲玉缸瀉酒醉莫辭壯士橫刀看草檄美人挾瑟請
題詩丈夫三十猶未遇走馬窮邊那復顧野狐嶺下白草枯
臥龍岡上黃雲暮客中行樂不知年但看月出幾回圓沙場